

# استدینا

نومرو ۹

بخشیه

۶ تشرین ثانی ۱۳۲۴

## موقعة تخلیه سبیل ، بحق تخلیه سبیل

### La liberté provisoire

تحقیقات عدلیه نك اثنای اداره و جریاننده ظهوره کلان وقایع اوزرینه بعض اشخاص تحت توقیفه آنور . موقوف طوتیلور . بو ظهوره کلان حادثات زمره سندن اولمق اوزره کذاک بعض وقایع متحدثه موقوف بولنان اشخاصک اطلاق سبیلانی اناج ایلیرک آئیده بیان اوله حق صور ثلثه دأره سنده مظنون عایه صالیویریلور .

قانون محاکمات جزایه موقوف اولان اشخاص مظنون نك اطلاق سبیلنی بری بحق تخلیه سبیل بری کفالتله تخلیه سبیل بر اوچنچیدی امر توقیفک استرداد نامری آلتنده ارا نه ایدیور .

بولردن بحق تخلیه سبیل نه در ؟

بحق تخلیه سبیل ، حکمجه سار اطلاق سبیللردن فرقی یوقدر فقط علاقه و حقوق آخر اعتبارله براز دوشنیلیر . بحق تخلیه سبیل اصول محاکمه جزایه نك یوزسکزنجه ماده سی محتویاتجه اولاً مدعی به جرم جنحه نوعندن ثانیاً ایکی سه دن اقل حبس جزاسنی مستلزم اولدینی ثالثاً جنایات یا خود بر سه دن زیاده محبوسیتله محکوم بولمندی و استنطاقی اجرا ایدلیدی و اقامتگاه صاحبی اولدینی حالدیه مظنون علمک حقوق قندندر . آنک ایچون قانون بحق دیور .

کفالتله تخلیه سبیله کلنجه : بو تخلیه مطلقاً کفالت آنفله مشروط دکدر . اطلاق سبیل بو موضعه مطلق اوله رق تخلیه سبیلدر . مستنطق حال و ایجابیه کوره مظنون علمیه ایسترسه کفالتله و ایسترسه کفالتسز صالیویره بیلور .

کفالتک شروطی ۱۰۹ نجی ماده ده بیان ایدیلور . سار مواد قانونیه دن اکلاشیلورکه کفالت ، امر و مراجعتله ، یا خود بلامراجعت تکفل ایله واقع اوله جنی کی کفالت مقامنده دأره استنطاقیه نك تنسب ایده چی مقدارک ده بو ایدلمسیله دخی اطلاق سبیل ایچون تأمینات مقتضیه تحصیل ایتش اولور ده بو

ایدیالان اچیه نك زه یه یانیر یله جنی معلومدر. ده بوالذات مظنون علیه جانبدن ویرلن زده بر شخص ثالث جانبدن ویر یله جك اولور ایسه حسبه وقوعبولان شوم مامله مظهر قبول اوله رق تأمینات واقعه عینله متبرع اولان ذات حقننده بایلوب تأمینات اچیه سی مال صندیغنه، عدلیه و زنه سنه قونیلور. کفالمره متعلق معاملات نظامیه پک صریح اولدیغندن تفصیلندن صرف نظر ایدرم.

امر توقیفك استردادى، منحصرأ مستنطقه عابدر یعنی تخلیه سبیل كی محاکم جانبدن ویر یله من. اوت! مستنطقه كده مظنون تخلیه سبیل استدعا سی ویر میوب محكمه یه بر لزوم قرار یله کیتدکن صکره نخطرله استدعا ایلسه تدقیقاته کیریشیلور. اما امر توقیف استردادى بر امر معروف قانونی اولوب ایجاب ایستدکجه یالکتر مستنطق طرفندن و مدعی عمومینك استماعندن صکره اختیار اولنه کلدیکندن محكمه لر طوغریدن طوغری یه امر توقیفی استرداد ایده من.

خواص اعتبار یله دها بشقه جه بر طاقم فرقلر کوریلور: تخلیه سبیل، کرک بحق اولسون کرک کفالتله و موقه اولسون مظنون علیه طلبنه، استدعا سنه معلق حتموقدن اولدیغندن برکسهنك موقوف اولدیغنی یردن صالیویرلمسی آنجق استدعا سنه، مراجعته متوققدر. امر توقیفك استردادى ایسه حق تنسیبه، حق تقدیره معلق حقوق عدلیه دن اولدیغندن بر شخصك امر موقوفیتك فسخ والغایى، مظنون علیه ك دل بلكه مستنطقك مقبول و معقول اولان حکمت و نظاربهنه توفیقاً واقع اولور. احوالده امر توقیفك استردادى مظنون علیه ك طلبنه محتاج دکلدر طلب ایتسه ده اعتبار اولنمز. حتی قوه عدلیه نك صلاحیتنه تفوق دیمك اولور.

تخلیه سبیل، بر حکمدر، حاکمی مستنطقدر. مدعی عمومی نی استماع ایلمه رك قرارینی ویردکن صکره ۱۳۰ نجی ماده ایجابجه حق اعتراضی اولانلره تبلیغی مقتضی اولور. امر توقیف، هیئت عدلیه نك، بر تدبیری یعنی حال موقوفیتده بولنسی ایجاب ایتمیان اشخاصك تخلیه سی امل خاصنه معطوف اولدیغندن تدبیر مذکور حکمدرجه سنه واصل اوله میهرق حق اعتراضی اولانلره تبلیغی لازم کلمز.

چونکه اگر بو مسئله ده حق اعتراض پایداری اولمق لازم کلسه قوه عدلیه نك  
نفع عام ایچون اختیار ایلدیکی تدبیره محل قلمز ایدی .

بو حاله مائل اوله رق بحق تخلیه سببله دخی بر نقطه مهمه یه تصادف  
ایدیورز. اصول محاکمه قانونی دیورکه ایکی سنه دن اقل حبس جزاسنی استلزام  
ایلیه سیله حکم بر جرحه دن طولای موقوف لولان شخصك جنایت سابقه می یوق ایه  
استنطاقدن بش کون صکره کندوسندن بر تعهدنامه آله رق صالیو ریلور .

بو تخلیه سبیل قرار یله مطلقاً تخلیه سبیل قرار لرنده عینی وقعه یی مشاهده  
ایدیورز شوبله که بحق تخلیه سبیل شرائط قانونیه موجود اولدقجه علی الاطلاق  
مظنون علمك حتموقنددر. قرارك حکمی در حال اجرا اولنور. و مظنون علیه  
تبلیغی ایجاب ایتمز. چونکه کفالتله یا خود کفالتسز تخلیه سبیل قرار لرنده  
حکم واقع کفالت مالیه و نقدیه نك و بر دیکی تأمینانك درجه سنه و کفالت تخلیه  
علاقه دارانه کلی و جزئی ضرر ایراث ایلیه جکندن قرار مذکورك بر صورتی  
مدعی عمومی و مدعی شخصی به تبلیغ ایدمك ضرور یاتدن ایه ده بحق تخلیه سببله  
سوق عبارده ، و نظریات قانونیه به کوره حق اعتراض وارد اوله میه جفنسندن  
مدعی شخصی به تبلیغ جائز اولماق اقتضا ایدر. عکس حاله بحق قیدی لغو  
حکمنه کیرر حالوکه قیدده کی احتراز حکمنه مستنددر .

بحق تخلیه سببله بعدالاستنطاق بش کون ظرفنده دیلمشدر . بو مدت  
بعضیلرینك ذهابی وجهله احترازی دکلدر . موقوف کورلدیکی کون استنطاق  
اولنسه همان تخلیه سبیلی لابددر و بش کون ظرفنده دنیه رك تعویق و تأخیرینه  
محل یوقدر .

عبدالحالی مدحت

استاد محترم بدروس کراسته جیان افندی حضرتلرینه :

عثمانی استقراضلری

۲

سلطان مجید خان دورنده عقد اولنان استقراضلر

۱۸۵۴ استقراضی . - آمیرال منجیقوفك استانبولدن عودتی متعاقب